

## 《無量壽經優婆提舍願生偈》 補充講表

### ◎附表十二：

○彼過三界有何相？下十六種莊嚴功德成就相是也。（以下糅合《往生論註》）

下十六種莊嚴功德成就相是也。一者、量究竟如虛空，廣大無邊際故。既知量，此量以何為本，是故觀性，性是本義。彼淨土，從正道大慈悲，出世善根生。既言出世善根，此善根生何等相，是故次觀莊嚴形相。既知形相，宜知形相何等體，是故次觀種種事。既知種種事，宜知種種事妙色，是故次觀妙色。既知妙色，此色有何觸，是故次觀觸。既知身觸，應知眼觸，是故次觀水、地、虛空莊嚴三事。既知眼觸，應知鼻觸，是故次觀衣華香薰。既知眼鼻等觸，須知離染，是故次觀佛慧明照。既知慧光淨力，宜知聲名遠近，是故次觀梵聲遠聞。既知聲名，宜知誰為增上，是故次觀主。既知有主，誰為主眷屬，是故次觀眷屬。既知眷屬，宜知此眷屬若為受用，是故次觀受用。既知受用，宜知此受用有難無難，

是故次觀無諸難。既知無諸難，以何義故無諸難，是故次觀大義門。既知大義門，宜知大義門滿不滿，是故次觀所求滿足。復次，此十七句，非但釋疑；觀此十七種莊嚴成就，能生真實淨信，必定得生彼安樂佛土。

○彼無量壽佛國土莊嚴，第一義諦妙境界相（真空妙有）。

《金剛經講義》云：「蓋真心不但真空，且是真有。真空者，離名絕相故；真有者，常恒不變故。彼一切緣生法不然，本無是物，但現假相而已，乃是真空假有者也。（剋實論之，尚不足言真空，只可謂之假空。因諸法之空，是由假有形成者耳。既非實物，空有俱說不上。茲姑隨順古義，說為真空假有。）因其本空，故說假有。因其假有，故知本空。為欲明其空有是相待相形而成，故曰空有同時耳。不似真心，離名絕相之空，常恒不變之有，皆是絕待。其同時並具，初非由於相待相形而成者也，故謂之真，故能為一切法之體。又復真心既萬古常恒，故曰本不生。若一切法亦名本不

生者，乃因假現生相，形成為本來不生耳；實則本無是物，無所謂不生也。」

○此三種成就，願心莊嚴，應知。（糅合《往生論註》）

應知者，應知此三種莊嚴成就，由本四十八願等清淨願心之所莊嚴。因淨故果淨，非無因、他因有也。

○略說入一法句故。一法句者，謂清淨句。清淨句者，謂真實智慧無為法身故。

法身：又名真如、佛性、如來藏、法界、法性、實相等。可分為二：

（糅合《彌陀要解講義》）

一、自性清淨法身（性德法身）：即眾生本源自性天真佛。人人本具，不假修成。

二、離垢妙極法身（修德法身）：即如來修德究竟所成佛。此身唯佛果方有。

《占察善惡業報經義疏》云：「當知眾生現前一念心體，即是諸佛所證究竟法身，絕待真常，

不可為喻；但由煩惱自覆，有而不知，故不得已，須設眾喻。欲明舉體隨緣，則喻以如

金鑄十界像，仍恐迷者謂有造作，謂有分劑；欲明對至即現，則喻以如鏡寫妍醜容。」

※《徹悟禪師語錄》云：「從本源心性，流出種種般若淨土法門；而種種般若淨土法門，

皆悉指歸本源心性。所謂無不從此法界流，無不還歸此法界也。」

※《佛說阿彌陀經要解》云：「實相無二，亦無不二。是故舉體作依作正，作法作報，作

自作他。乃至能說所說，能度所度，能信所信，能願所願，

能持所持，能生所生，能讚所讚，無非實相正印之所印也。」

○如是菩薩奢摩他、毘婆舍那，廣略修行，成就柔軟心。（糅合《往生論註》）

柔軟心者，謂廣略止觀，相順修行，成不二心也。譬如以水取影，清淨相資而成就也。

太虛大師於《往生論淨土講要》云：「五門之中，作願門，正修奢摩他行；觀察門，正修毗鉢舍那行。禮拜、讚歎二門，即止觀之前方便行，故總菩薩所修四門：禮拜、讚歎、作願、觀察，而曰：菩薩奢摩他、毘婆舍那，廣略修行。於五門中，作願一門最為緊要，未

作功德（禮拜、讚歎）之前，須先立願；正作功德之時，亦須有願。以有願故則功有所歸，心有所專；功有所歸，則功不散失，如錢有繩，錢不散失。心有所專，發願往生西方，則心專注於西方淨土，則攝散歸定，定即奢摩他也。依奢摩他行，修毘婆舍那，由作願門而起觀察門；觀察佛之依正莊嚴，則止中有觀，觀中有止，止觀雙運。三種觀察，是為廣行。三攝於一，以一清淨法界為總，是謂略行。

成就柔軟心者，心有煩惱則不柔軟，猶如野馬。若修止觀，即能降伏一切煩惱，煩惱伏已則柔軟心成。若不修得心柔軟忍，則貪著五欲等境，不能知止而定，不能詳細觀察。故止觀二門，須使柔軟心成。」

※《大乘止觀法門》・止觀作用云：「又止行成故，不為世染；觀行成故，不為寂滯。又止行成故，即用而常寂；觀行成故，即寂而常用。」

○如實知廣略諸法。（糅合《往生論註》）

如實知者，如實相而知也。廣中二十九句，略中一句，莫非實相也。

○不求自身住持之樂，欲拔一切眾生苦故。（糅合《往生論註》）

住持樂者，謂彼安樂淨土，為阿彌陀如來本願力之所住持，受樂無間也。

《大乘起信論》云：「如是當念一切眾生，從無始世來，皆因無明所熏習故，令心生滅。

已受一切身心大苦，現在即有無量逼迫，未來所苦亦無分齊，難

捨難離，而不覺知。眾生如是，甚為可愍。」

○作願攝取一切眾生，共同生彼安樂佛國，是名菩薩巧方便迴向成就。（糅合《往生論註》）

王舍城所說《無量壽經》，三輩生中，雖行有優劣，莫不皆發無上菩提之心。此無上菩提

心，即是願作佛心；願作佛心，即是度眾生心；度眾生心，即攝取眾生，生淨佛國土心。

是故願生彼安樂淨土者，要發無上菩提心也。此中言方便者，謂作願攝取一切眾生，

共同生彼安樂佛國。彼佛國，即是畢竟成佛道路無上方便也。